



МОЛОР НАЙХАН МОНГОЛНАЙ ХҮЛЕЭНЭ

«Время чина» 6.05.2010



Н.Г. Донсоронов



Т.Г.Цыбиков амаршална



Т.Г.Цыбиков
Д.Соктоеве
амаршална

ГЭСЭР, ДАНГИНАНУУД БАЙХАЛ БАЙХА...
Республикымнай Соёлой министерствын, Арадай уран бэлигэй республиканска түбэй (директорынь - республикын соёлой габьяата хүдэлмэрилэгшэ С.Д.Доржиев) эдэхи үүсхэлээр заншалта болоһон "Гэсэр, Дангина" конкурсууд жэл бүри Сагаан харын хүндэлэлдэ үнгэргэгдэдэг гэшэ.

Харин 2010 оной февралин 26-да эмхидхэн тус регионална конкурс онсо илгаатай байгаа. Мүнөө дүнгүүдынь толилхоннай. Юуб гэхэдэ, элдэб номинацияр ("Эдир Гэсэр", "Эдир Дангина", "Гэсэр", "Дангина") иланан уран бэлигтэн гансашье диплом, бэлэгтэ хүртөө бэшэ, эрхимүүдын түрэл Буряад ороноо "Алтарганада" түлөөлхэ болоһон байна. Эдир Гэсэрэй нэрэ зэргэдэ Хурамхаанай Денис Хихаев, "Эдир дангина" гэнэн нэрэ зэргэдэ Ахын аймагай Орлигой Алима Готовын гэгшэд мүнгэн болон бусад бэлэгүүдтэ хүртэбэ.

Тиихэдэ Буряадай республиканска 1-дэхи лицейн һурагша Галсаннимын Гандигэ "Гэсэр" номинацияр эрхимлээ, харин "Дангинын" нэрэдэ хүртэнэн Сэлэнгын аймагай Харганаа нотагай Арюна Бубеева илажа, "Алтаргана-2010" гэнэн Бүгэдэ буряадуудай уласхоорондын фестивалда түрэл Буряадаа түлөөлхэ болоо. Жюриин түрүүлэгшэ, республикын соёлой министр Т.Г.Цыбиков бэлэгүүдые булганда барюулан, үшөө ехэ амжалта хүсөө.



«Закамна» ансамбль илаба



Дангинанууд мүрүсэнэ



Лауреадууд булта баяртайнууд



Гэсэрнүүд мүрүсэнэ

"АЛТАН ГУРГАЛДАЙНУУДАЙ" АЯЛГА НАЙХАН

Улаан-Удын хүгжэмэй колледжын бэлигтэй багша, Россин болон республикын соёлой габьяата хүдэлмэрилэгшэ В.Б.Елбаев түрүүтэй жюриин гэшүүд "Алтаргана-2010" гэнэн удха түгэлдэр уласхоорондын найндэрые угтуулан эмхидхэгдэнэн конкурсдо хабаадаһан дуушадые шагнажа, үрэ дүнгүүдые гарганаһай һүүлээр 10 наһатайнаа эхилээд, 14 наһа хүрэтэр наһанай үхибүүдэй дунда дипломуудые үгөөгүй. Харин наһанай талаар 2-дохи бүлэгтэ (15-наа эхилээд, 18 наһа хүрэтэр) Улаан-Удын Алена Раднаева эрхимлэбэ. Улаан-Удын соёлой управлениин, ВАРК-ын, Соёлой министерствын зүгһөө шангуудта хүртөө. Харин 19-һөө 30 хүрэтэр наһатай зонной дундаһаа Саян Цымпилов илажа, "Алтарганын" найндэртэ хабаадаха болоһон байна.

Харин дүрбэдэхи бүлэг сооһоо (31 наһатайнаа 50 наһа хүрэтэр зон) Хурамхаанай аймагнаа Марина Будаевна Раднаева шалгарба, тиихэдэ 51 наһанһаа дээшэ наһатай дуушад сооһоо Ахын аймагай гоё хоолойтой Бадма Сыренович Габанов түрүү һуури эзэлбэ.

"БУРЯАД ХҮНЭЙ НЭГЭ ҮДЭР"

гэжэ нэрлэгдэнэн фольклорно ансамблнуудай дунда ана-мана мүрүсэнэн, олон янзын буряад ёһо заншал, гурим, ажабайдал харуулан фольклорно ансамблнуудай дунда III шатын дипломдо, мүнгэн шанда Хорин аймагай "Ашангын эрьедэ" (хүтэлбэрилэгшэнь Цымжит Дагбаева), тиихэдэ 2-дохи шатын дипломдо Ивалгын аймагай "Гуламта" (Уржима Цыдыпова), 1-дэхи шатын дипломдо Баргжанай аймагай "Баян-Голой гургалдайнууд" (С.У.Потхоев) гэнэн фольклорно ансамблнууд хүртэжэ, һонин программаһуудые харуулаа. Харин лауреадай дипломдо, мүнгэн шанда "Закамна" гэнэн дуу, хатарай арадай ансамбль (Николай Тарбаев) хүртэнэн, баян программа харуулан байна. Жюриин түрүүлэгшэ, ВСГАКИ-гай профессор, искусство шэнжэлэлгын кандидат, түүхэй эрдэмэй доктор Д.С.Дугаров эрхимлэнэн

коллективүүдые халуунаар амаршалжа, үшөө ехэ амжалта хүсэбэ.

«УРДЫН УРДА САГТА...»

Уужам нэгэ нотагта... гээд олонхи ушарта эхилдэг үльгэршэдэй болон одическэ поэзеер (магтаал, соло дуудагшад дунда) мүрүсэгшэдэй дунда тэмэндэ конкурс эмхидхэгдэжэ, профессор Дашинима Санжиевич Дугаровай хүтэлбэри доро хүдэлхэн жюриин гэшүүдэй шийдхэбэрээр 3 шатын дипломоор, мүнгэн шангаар Захааминай районой Амгалан Николаевич Намсараев (2-дохи бүлэг) шагнагдаа. Тэрэшэлэн 2-дохи шатын дипломдо, мүнгэн шанда 1-дэхи наһанай бүлэгтэ (10 наһатайнаа 18 наһа хүрэтэр) Улаан-Удын хүгжэмэй колледжын Гомбо Дарханов хүртэбэ. Тиихэдэ 19 наһатайнаа дээшэ наһатай зонной дунда Ивалгын районой Баир Цыденов мүн лэ 2-дохи шатын диплом, мүнгэн шан абаа.

1-дэхи шатын диплом, мүнгэн шан 2-дохи наһанай бүлэгэй (19-тэйһөө аха наһатан) үльгэршэд - Ивалгын аймагай Иван Лубсанцыренович Дабаев, Кабанскын районһоо Леонтий Абзаевич Борбоев гэгшэдтэ барюулагдаһан байна. Тиихэдэ энэ конкурсын лауреадуудай нэрэ зэргэнүүдтэ, мүнгэн шангуудта нэгэдэхи бүлэгтэ (10 наһатайнаа 18 наһа хүрэтэр) Хэжэнгын аймагай Бато Шойнонов, харин хоёрдохи бүлэгэй (19 наһатайнаа дээшэ аха захатан) Бадма Сыренович Габанов гэгшэд хүртэбэ.

Мүнөө РЦНТ-гэй президент, олон жэлдэ тус түбөө ехэ амжалтатайгаар ударидажа ябаһан Россин соёлой габьяата хүдэлмэрилэгшэ, Россин Правительствын шангай лауреат Надежда Галсановна Донсоронова конкурснуудай дээрэ дурсагдаша дүнгүүдтэй танилсуулаад, "Алтарганын" эхилтэр гоё хубсаһа эсхэгшэдэй, оёдог зоной моодын, тиихэдэ уран гартанай выставкэ, нэеи

гэр шэмэглэгшэдэй, угтамжын ёһололой конкурснууд болохоор хараалагданхай гэжэ онсолбо, хүршэ Монголдо, ехэ удхатай уласхоорондын фестивалда түрэл Буряадаа түлөөлхэ уран бэлигтэндэ, эрхим коллективүүдтэ, соёлшодто, мастернуудта, спортсменүүдтэ үшөө ехэ амжалта, харгын талаан хүсэбэ.

Бэлигма ОРБОДОЕВА.

ЗУРАГУУД ДЭЭРЭ: конкурснуудай үедэ.

Радна-Нима БАЗАРОВАЙ фото.



Бадма Сыренович Габанов



Марина Будаевна Раднаева